



Indgået

23 FEB. 2017

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

Inatsisartuni ilaasorta, Martha Lund Olsen
Siumut

Kommune Kujallermut allanullu tunngatillugu § 37 naapertorlugu apeqqummut akissutit

Kommune Kujallermut allanullu tunngatillugu § 37 naapertorlugu apeqqutit saqqummiunneqarnerannut qjanaq

21-02-2017
Sagsnr. 2017 - 3542
Akt. ID. Nr. 4570999

Postboks 260
3900 Nuuk
Tlf. (+299) 34 50 00
Fax (+299) 34 66 66
E-mail: lian@nanoq.gl
www.naalakkersuisut.gl

- 1. Naalakkersuisut Kommune Kujalleq pillugu tusagassiuutitigut nalunaaruteqarlutik oqaatigisimavaat, kommunip ulluinnarni allaffissornikkut aqunneqarnera ima ilungersunartigimmat allaat meeqqat inuunerat peqqissusaallu navianartorsiortutut oqaatigineqarsinnaallutik. Naalakkersuisut qanoq iliuuseqarniarnerpat, meeqqat inuunerat aamma peqqissusaat qulakkeerumallugu?**

Tusagassiorfinnut nalunaarut ima oqaasertalerneqarmat erseqqissarneqassaaq: "... Ilanngullugu oqaatigineqassaaq isumaginninnikkut immikkoortunut nakkutilliarnermi meeqqanut inuusuttunullu suliaqarfimmik kommunip ingerlatsinera assut amigaateqartut paasineqarsimammat, tamakkulu meeqqat eqqugaasut inuunerannut peqqissusaanullu toqqaannartumik navianartorsiortitsisinnaanerannik kinguneqarsinnaallutik. Pissutsit tamakku isumaginninnikkut immikkoortunut siullermik nakkutilliarnermi paasineqarput, taamaammallu Naalakkersuisut qulakkeerniarsimavaat januar 2017-imi Kommune Kujallermi isumaginninnikkut immikkoortunut nakkutilliarnermi allakkatigut malitseqartitsinissaq immikkullu ittumik kingusinnerusukkut nakkutilliarternissaq, matumani isumaginnittoqarfimmik qanimut malinnaanissaq siunertaralugu."

Naalakkersuisut immikkut ittumik malitseqartitsiffiusussamik nakkutilliarterneq pillugu nalunaarusiaq utaqqimaarpat.

Tamakku saniasigut ilisimatitsissutigineqassaaq Naalakkersuisut isumaginninnikkut suliniutinik allanillu aallartitsisereersimammata, soorlu suliniutit immikkut ittut meeqqanut inuusuttunullu sammitat.

Naalakkersuisooqatigiit nutaat pilersinneranni kommunit sulineranni qullersaqarfinniit tapersorneqarmissaq assut pisariaqartinneqartoq naalakkersuisunit nalilerneqarpoq. Isumaginninnermut suliaqarfimmi unaminartorpassuit 2016-ip ingerlanerani isumaginninnikkut immikkoortunut nakkutilliarnermi paasineqarsimasut tamatumunnga ilaatigut tunngaviuvoq.

Naalakkersuisut isumaginninnermut aqutsisoqarfimmik aningaasalersuinissaq pilersitsinissarlun pingaartissallugit toqqarsimavaat. Isumaginninnermut Aqutsisoqarfik pilersinnerqaleruttoq, ilaatigullu meeqqat inuusuttullu kommuninit sullinneqarnerat tamatumunnga tapersorneqassalluni.

Ilanngullugu oqaatigineqassaaq Qitiusumik Siunnersuisarfiup pilersinneqameraniilli kommunit meeqqanik inuusuttunillu assigiinngitsutigut sullissineranni tapersorsorneqarsimmata. Siunnersuisarfik 2016-imi ukiup affaa sinnerlugu Qaqortumi Narsamilu sulisunik marluk arfinillilu akornanni amerlassusilinnik aallartitaqartarsimavoq.

Naggasiullugulu taaneqassaaq Naalakkersuisut Inatsisartut 2017-imi upernaakkut ataat-simiinneranni meeqqanut ikiorsiissuteqartarnek pillugu inatsisissatut siunnersuummik saqqummiinarmata. Inatsisissatut siunnersuummi ilaatigut meeqqanut inuusuttunullu atugassarititat qulakkeernissaat nukittorsarnissaallu siunertarinqarpoq.

2. Isumaginnittoqarfiup aqunneqarnera aaqqissuussaaneralu pillugit Inatsisartut peqqussutaata allangortinneqarneranik Inatsisartut inatsisaat nr. 14 af 6. juni 2016, tassanimi Inatsisartut Peqqussutaat § 7a Naalakkersuisut kommunit isumaginninnikkut maleruaqqusat toqqammavigalugit ingerlatsinerannik atorunnaarsitsissallutik aalajangersinnaanerannik pisinnaatitsissutitalik naapertorlugu, meeqqat inuunerat peqqissusaallu annaanniarlugit Naalakkersuisut iliuuseqarniarpat?

Isumaginnittoqarfiup aqunneqarnera aaqqissuussaaneralu pillugit Inatsisartut peqqussutaata allangortinneranik Inatsisartut inatsisaata nr. 14, 6. juni 2016-imeersup atuleraneranut tunngaviuvoq kommunit isumaginninnikkut maleruaqqusat toqqammavigalugit ingerlatsinerannik atorunnaarsitsissallutik Naalakkersuisut aalajangersaasinnaammata, matumani kommuni pisussaaffimminik imaluunniit innuttaasut pisinnaatitaaffiinik annertuumik sumiginnaasimappat. Naalakkersuisut inatsit aqqutigalugu tamakkiisumik ilaannakuusumilluunniit isumaginninnikkut maleruaqqusanik kommuninit arsaarinnissallutik piginnaatitaapput.

Inatsisissatut siunnersuutip aappassaaneerneranut atatillugu Ilaqutariinnermut Peqqis-sutsimullu Ataatsimiititaliamut akissummi Isumaliutissiisummut ilanngussaq 1-imi takuneqarsinnaasumi (20. maj 2016) ima § 7a-p atornissaanut apeqquummut paasissutissiisoqarpoq:

"Isumaginnittoqarfimmi najugarisami ingerlatsiveqarfimmi annertuumik sumiginnaasotartillugu atorunnaarallatitsineq immikkut pisoqartillugu aalajangersakkatut eqqarsaatigineqarpoq, qitiusumik aqutsisoqarfimmiit akuliuttoqarnissaa pisariaqalersimappat, innuttaasut inatsisitigut isumannaatsuunissaat imaluunniit aaqqissuussaanerup - tassa systemip inatsisitigut akuerisaasumik ingerlanissaa eqqarsaatigalugu."

Inatsimmi § 7a-mik atuisoqarnerani (atorunnaarsitsineq pillugu) assersuutissat arlallit aqqutigalugit atorunnaarsitsinissami peruserineqartussaq ilanngussami aamma takutinneqarpoq.

Inatsit taamaalilluni tamakkiisumik ilaannakuusumilluunniit atorneqarsinnaavoq tamanna naleqquttutut nalilerneqarpat.

Inatsit atorneqarniarpat tamanna sioqqullugu oqaloqatigiinnerit, suleqatigiinnissat tigussaasumillu iliuuseqarnissat malitseqartitsinissallu, soorlu nakkutilliarternermi nalunaarusiat, iliuusissatut pilersaarutit allallu salliutinneqarlutik anguniarneqartartussaapput.

Naalakkersuisoqarfik, matumanilu Nakkutillineramik ingerlatsivik ilanngullugu Kommune Kujallermik oqaloqateqartarpoq.

3. § 7a naapertorlugu iliuseqartoqassappat, Naalakkersuisut matumuuna nas-suiaateqaqqussavakka tulliuuttut naapertorlugit; Inatsimmi § 7b, § 7c aamma § 7d naapertorlugit Naalakkersuisut qanoq aaqqiissuteqarniarpat?

Inatsimmi § 7b-mik, § 7c-mik aamma § 7d-mik atuinissaq § 7a-mik atuinissamik tunnga-veqarpoq.

Inatsimmut nassuiaatit, isumaliutissiissut, taakkununga ilanngullugu ilanngussaq 1, siu-lianilu akissutigineqartut innersuussutigineqarput.

4. Taamatuttaaq Tasiilami nakkutilliinerup kingorna ilungersunarluinnartumik nalunaarusiortoqarnikuuvoq, meeqqat 500 sinnerlugit pillugit ernumassute-qartoqarluni. Naalakkersuisut Tasiilami nakkutilliinerup kingunerisaannik nak-kutilliinermik allamik malitseqartitsisoqarnikuaa, soorlu Kommune Kujallermi pisumut assingusumik?

2016-imi februaarip 29-ianiit marsip 18-ianut Nakkutilliinermik ingerlatsivik taamani Ilaqutariinnermut, Isumaginninnermut Naligiissitaanermullu Naalakkersuisoqarfiup ataaniittoq kalerreeqqaarlutik Tasiilami inunnik isumaginnittoqarfimmut ingerlatsivianullu (Kommuneqarfik Sermersooq) meeqqanut suliaqarfimmi isumaginninnikkut maleruaqqusanik nakkutilliartorsimapput. Nakkutilliartornerit Tasiilaq, Kulusuk, Tiniteqilaaq aamma Kuummiut tikillugit ingerlanneqarput.

Kommuneqarfik Sermersuup meeqqanut inuusuttunullu suliaqarfimmik ingerlatsine-rani malunnartumik unammisassaqaqarnera amigaateqaqarneralu Nakkutilliinermik ingerlatsiviup inaarutaasumik nalunaarusiaanni inerniliunneqarpoq. Taamaammat suliniutissanut pisariaqarluinnartunut tunngatillugu innersuussinernik nakkutilliartornermi nalunaarusiaq imaqarpoq. Kommuneqarfik Sermersuup allakkatigut nassuiaataa Nakkutilliinermik ingerlatsivimmut ulloq 28. november 2016 tunniunneqarpoq.

Nakkutilliinermik ingerlatsivik Tasiilamut malitseqartitsiffiusussamik nakkutilliartorlutik tikeraassamaarput. Tamanna piffissami 22. februar - 4. marts 2017 pisussatut naatsorsuussaavoq.

Naggasiullugulu ilisimatitsissutigineqassaaq nakkutilliartornermi nalunaarusiamiittut pissutaallutik Naalakkersuisut suleqatigiissitamik pilersitsisimmamata, taakkulu suliniutissanik immikkut ittunik sulinissamik ataqatigiissaarinnissamillu kommunimik suleqateqartussaapput. Sulineq tamanna aallarereerpoq.

5. Tasiilami pissutsit Kujataani pissutsituulli ernumanartigippata, Isumaginnit-toqarfiup aqunneqarnera aaqqissuussaanageralu pillugit Inatsisartut peqqussutaata allangortinneqarneranik Inatsisartut inatsisaat nr. 14 af 6. juni 2016 ator-lugu, § 7a naapertorlugu Naalakkersuisut iliuseqarniarpat?

Isumaginnittoqarfiup aqunneqarnera aaqqissuussaanageralu pillugit Inatsisartut peqqus-sutaata allangortinneranik Inatsisartut inatsisaanni nr. 14, 6. juni 2016-imeersumi § 7a-mik Naalakkersuisut ulloq manna tikillugu atuisimangillat.

Akissutini taaneqareersut aamma innersuussutigineqarput.

6. Isumaginnittoqarfiup aqunneqarnera aaqqissuussaanageralu pillugit Inatsisar-tut peqqussutaata allangortinneqarneranik Inatsisartut inatsisaat nr. 14 af 6.

juni 2016 §§ 7a, 7b, 7d aamma 7d naapertorlugit Kommune Kujalleq Kommuneqarfik Sermersoorlu eqqarsaatigalugit iliuuseqarniנגikkunik, suna tassunga tunngavilersuutaava?

Qulaani akissutigineqartut innersuussutigineqarput.

7. Isumaginnittoqarfiup aqunneqarnera aqqissuussaanelu pillugit Inatsisartut peqqussutaata allangortinneqarneranik Inatsisartut inatsisaat nr. 14 af 6. juni 2016 naapertorlugu Naalackersuisut illoqarfiit pineqartut marluk pillugit iliuuseqarniנגikkunik, Naalackersuisut qanoq iliorlutik meeqqat ulorianartorsiortut inuunerannik peqissusaannillu qulakkeerinninniarpat?

Qulaani akissutigineqartut innersuussutigineqarput.

8. Danskit Naalackersuisui danskit Aningaasaqarnermut Inatsisaat 2017-imut atuuttoq aqutigalugu 2,5 mio. kr-inik ukiumoortumik, ukiuni 4-ni atuuttusamik illikartitsimapput, aningaasat illikartinneqartut qanoq aqunneqarnisaat pillugu isumaqatigiissusiortoqarpa?

Danskit aningaasaliissutaanni suliniutinut Namminersorlutik Oqartussat Kalaallit Nunaanni meeqqat inuusuttullu sumiginnagaasut sullinnissaannut iluaqutaasinnaasunut aningaasanik immikkoortitsisoqarsimavoq.

Aningaasat taakku qanoq atorneqarnissaannut suli isumaqatigiissusiortoqarsimanngilaq. Aqutsisoqatigiinnik Kalaallit Nunaannit Danmarkimiillu aallartitaqarfiusumik pilersitsisoqarpoq, taakkulu massakut aningaasaliissutissat pillugit isumaqatiginninniarnerni oqaaseqaateqartussat naapertorlugit suliniutissanik pilersaaruserlutik aallartissimapput.

Inussiarnersumik inuulluaqqusillunga



Sara Olsvig